

جریدہ علیہ

مشجعت جلید اسلامیک جریده رسمیه سیدر

جمادی الاخره سنه ۱۳۴۰

عدد ۷۲

شمیلاک آیدہ بر نشر اولنور

برنجی سنہ

اخلاق سنیه رسالتدن برنبذه

عليه الصلوات والسلام افندمزدن امت مسعوده لری ایچون نمونه امثال اوله جق برچوق آثار
حلم وتواضع منقولدر . ذات عالی رسالت پناهی لری بر فقیر طرفندن بر مقدار سرکه ایله قورو
اکمکه دعوت ایدلسه لر اوفقیرک تطیب خاطر ایچون در حال اجابت بو یوریرلر ایدی .
حضور سعادتلرینه بری کلوب بر مصلحت ضمنتده بریره کتورمک ایسته سه کیدرلر ، یوله
بری ذات سعادتلرینی دوردیروب حالی عرض ایلسه اثر ملال کوسترمکسزین نهایت قدر
معروضاتی دیکر لر ایدی . برینک خسته لندیکنی ایشیتسه لر عیاده سنه کیدوب نواز شکارانه
کلمات ایله تلطیف وتسلیه بذل عنایت و قریباً اعاده عافیت ایتمی ایچون دعا بیوریرلر
ایدی .

محاسن اصحاب کرامی تشریف لرنده حضارک قیام ایتهلرینی آرزو بو یورمازلر ، اصحاب
کرامده آرزوی رسالتله اتباعاً قیام ایتزلر ایدی .

رسول اکرم افندمز حضرتلرینک مناعم فانیه دنیویه دن اتقا خصوصنده کی عزم
عالی رسالت پناهی لری جمله مؤمنین ایچون وسیله عبرت وانتباه اولمق اقتضا ایدر . بر کره
احوال سنیه رسالتله بر کره ده ولوله صیت تیردلی دنیایه صیغمايان جبارده کی میل
تر فیه ، کبر وعظمته باقالیده ماء الحیات ایمان واسلامک فصل بر صاف منبعدن ظهور
ایتدیکنی زمان کچدکجه ناپاک اللر طرفندن فصل بولاندرلدیغنی کورملی .

«الدنیا لاتنبی ل محمد ولال محمد» حدیث شریفله دیکر برچوق احادیث شریفه
بو اتقای پیغمبرینک شواهد مینه سندن اولدیغنی کی احوال سنیه پیغمبرینک کافه سنده مشهود
اولان بو خالق کریمک آثار جلیلله سندندر . مثلاً فراش سعادتلری ایچنه خرما لیفی دولدیرلمش
برمشندن عبارت ایدی . چوق دفعه قوری بر حصیرک اوزرنده یاتوب مبارک باشلرینک
الته بر یوز یاصدینی قویارلر ایدی . حتی بر کون استراحت بو یوردقلری حصیرک اورکیلری
وجود عالیرنده اثر بر اقدیغندن اصحاب کرامدن بعضیلری : یارسول الله یاتدیغکنز حصیرک
اوزرینه یوموشاق برشی سره لمده وجود مبارککنز رنجیده اولمسون دیدیلر . رسول
اکرم افندمزده : بنم دنیا ایله نه آلیش ویریشم واردر . یوله کیدن بر سواری بر آغاجک

کولکه سنده براز دیکنند کدن صوگره ینه یولنه دوام ایدر . دنیا ایله بنم حالمده طبق بونک کی در . « بیوردیلر .

مخدراتدن ری برکون حضرت عایشه نك خانه سنه کلوب رسول اکرمک یاتدینی یاتاخی کوردی . سائقه اخلاص و محبتله کیدوب اوندن بی دیشان افندمن ایچون اعلی بردوشک کتیردی . رسول اکرم حضرت عایشه نك خانه سعادتلرینی تشریف ایله بودوشکی کورنجه « یا عایشه سن بونی صاحبنه کوندر » فرمانیله دوشکی صاحبنه اعاده ایتدیردیلر .

صاحب سعادت افندمن زوجات طاهراتدن حضرت حفصه نك خانه عالیبرنده فالدقلری کیجه دوشک یرینه قالدنجه دوقونمش بر احرام سررلر ایدی . حضرت حفصه زوج مکرملرینک تأمین استراحتلری ایچون برکیجه بواحرامی درت قات ایدوب سردی . رسول اکرم افندمن صباحلین اویقودن اویاندقلرنده : سز بنم ایچون بوکیجه نه سردیکز » دیه مشارالیهادن سؤال بیوردیلر . حضرت حفصه ده یارسول الله هرکیجه اوزرنده یاتدیغکیز احرامی دها یومشاق اولسون دییه درت قات ایدوبده اویله سردک . دیدی . علیه الصلوة والسلام افندمن « سز ینه احرامی اسکیسو کی سزیکز . زیرا یومشاقلفی نماز مه مانع اولور » بیوردیلر .

اوائل بعثت سنیه لرنده سفهای قریش بی اکرم افندمنه دعوای نبوتدن مقصدک مناعم دنیویه نائل اولمق ایسه ، اونک ده چاره سینه بقالم دیمشالر ایدی . پیغمبرمنک یاتدقلری یاتاق کرک اونلره کرک اوفکرده اولان اسافله قارشى نه عالی ، نه مسکت بر جوابدر . رسول اکرم افندمنک خصوصات دنیویه دن قدر مالابدک اک بسیط درجه سیله اکتفا بویورملری حاشا تدارکی امرنده کی عجز لرندن دکل دنیا و مافیها نك نظر عالیبرنده هیچ اندر هیچ اولمسندن منبعث ایدی .

وقعه آتیده سلطان الانبیا افندمن حضرتلرینک درجه تواضعلرینی کوسترمک ایچون کافیدر . حضور رسالته برکون بر آدم کلدی . رسول اکرم افندمنک مهابت سسینه لرندن متأثر ولوب تیتزمکه باشلادی . علیه الصلوات والسلام افندمن بو حالی کورنجه یچاره نك قلبنه مستولی اولان خوف و خشیتی ازاله مقصد عالیسیله کنیدیسنه : قورقه بن پادشاه دکلم ؛ مکده قوری ات یه بن برفقیره خاتونک اوغلی یم . بیوردیلر .

رسول اکرم افندمك درجہ تواضع عاليلريه امت مسعوده لري حتنده كي شفقت و مروتلرينك اعجاز نما برصورتى كوسترمكده اولان شو معاملة سنيه لري اوزرينه بيجاره ادمك عقل باشنه كلدى . مهابت پيغمبريدن دولايي بهت وحيرت و لرزه خشيت ايچنده قالمش ايكن بوالتفات رسالتدن صوكره مطلبى عرض ايله حضور نبويدن مسرور و مطيب اولديغي حالده چيقوب كيتدى . بونى متعاقب فخر عالم افندمن آياغه قالقوب اصحاب كرامك يكديكريه قارشى آثار تواضع كوسترملريني ، معاملات متقابله لرنده حدودى تجاوزه ، حسب و نسب ، ثروت و سامان و سائره كي شيلوله تفاسخ ايتمه ملريني : بربرليه قرنداش كي اولملريني فرمان بيورديلر .

نبى محترم افندمك شو صورتله آياغه قالقوب اصحاب كرامه نصيحت بويورملري حضور سعادتلرنده دوچار دهشت اولان بيجاره ادمك حالندن متأثر اولدقلرينه ، نه حضور سعادتلرنده ، نهده باشقه لك مواجهه سنده يوكي حالانك تكرريني ارزو بويورمدقلرينه دلالت ايلدكده در .

فى الحقيقه صاحب سعادت افندمك مهابت سنيه لري برمرتبه ايدى كه اكر تائيس قلوب ايچون اظهار تواضع ، و بذل التفات بويورمه مش اولسه لر كيمنسه او مهابتك تأثير آراسوزينه تحمل ايده من ، فرد آفريده حضور نبويده شق شفه كلامه جسارت ايله من ايدى .

عمرو بن عاصك مخدومي كبار صحابه دن عبدالله حضرتلري مدت مدیده شرف محبت پيغمبرى ايله مشرف اولديغي حالده سربسته وجه سعادتلرينه باقه مديغني ، كنديسندن نبى ذیشان نصل ايدى ديه سؤال ايدياهك اولسه سائلي تظمين ايدهك بر جواب ويرمكه مقتدر اوله ميه جغني سويلر ايدى . رسول اکرم افندمن اصحاب كرامه قارشى آثار تواضع اظهار بويوردقجه اصحاب كرام محافظه آداب خصوصنده عادتايكديكريه مسابقه ايدرجه سنه حرکت ايدرلردى . كنديلرن دن اك كوچوك بر حرکت غير مرضيه صادر اولماز و جهل سي رسول اکرمك رضاي عاليلريني تحصيل ايچون بذل حياتي جانلرينه منت ، سيد و الاشانلرينك هرامرينه امثالي وسيله نجات و سعادت بيليرلر ايدى .

وقعه آتیه ده درجہ تواضع پيغمبرينك شواهد باهره سندن در رسول اکرم افندمن بر

سفر انسانی که صاحب کرامه بر قویون کسمه لری فرمان بویوردیلر . اصحابدن بری : بن بوغازلرم، دیکری بن یوزرم، دیکر بری ده بن ده پیشیرم دیدی بین اصحاب شو صورتله تقسیم اعمال ایدلایکینی مشاهده بویوران علیه الصلوة والسلام افندمز: اوילה ایسه بنده سزه اودون تدارک ایدرم بویوردیلر . قویونک احضارینی درعهده ایدنلر ؛ یارسلو الله سزک اختیار زحمت بویورمه کنزه حاجت یوقدر دیدیلر رسول اکرم افندمزده: بوجهت معلوم؛ انجق سزچالیشیرکن بنم بوش دورمام بکا خوش کلیور. حق تعالی حضرتلری بو خصوصده کندمی سزدن آیرمامی ائی کورمز برکیمسه نک رفیقلمی برایش کوریرکن او کیمسه نک کندیسنی استئنا ایتسنی بنده خوش کورم . بویوردیلر . زهی کرم زهی مروت ! ایشته رسول اکرم افندی مز حضرتلرینک تواضعلمی ، هرکس حقنده کی معاملات جمیله لری بودرجه عالی ایدی .

مدت حیات رسالت پناهیلرند، دنیوی برسیدن دولایی فرد آفریده یی انجیتدکلری کولر . روله مشدر . اون سنه قدر برمدت خدمت رسالتده بولنق شرف عالم بهاسنه نائل اولان حضرت انس رضی الله عنه بنی اکرمک برکره کندیسنه « اف » دیمدیکینی برایشک فعل ویا ترکندن دولایی نیچون یاپدک یاخود نیچون یامدک دیه مؤاخذه بویوردقلرینی ایشیتمدیکینی سویلر ایدی . تواضع حلمک ، حلمده تواضعک برشکل دیکری اولدیغندن رسول اکرم افندمزدن حلم خصوصنده نیجه نیجه اخلاقی خارقلر صادر اولمشدر . پیغمبرمزک کوله وجاریه لرندن یاخود احرار امتدن بر فردی دوکمه لری شویله دورسون ، لسان مبارکلرندن کیمسه یی انجیده جک برسوز صدور ایتدیکینی ایشیدن یوقدر اصحاب کرام مشرکلمک ذات رسالته قارشى متجاسر اولدقلری حرکات کسه ناخاندن فوق الحد متأثر اولدقلری جهتله رسول اکرم افندمز نه نیچون شوکافرله بدعا ایتمورسکنر دیدیلر . علیه الصلوة والسلام افندمزده ربم بنی خلقه بدعا ولغت ایچون کوندرمیوب خیردعا ورحمت ایچون کوندردی بویوردیلر . رسول اکرم افندمز برکون برمحلی تشریف بویوریرکن ، نجرانی بربرده اکتسا بویورمشلر ؛ بوبرده نک کناری برآز قاتی ایدی . براعرابی ذات سعادتلرینه یا قلاشوب شدتله برده پیغمبری یی چکدی ، اويله برچکیش که رسول اکرمک مبارک اوموز- لری قیزارتدی .

بوصورتله تجاوزه جرأت ایدن اعرابی : یا محمد امر ایله ده سنک نزدنده کی الله مالندن بکا برآز شی ویرسونلر دیدی .

جاهل آدمك شو حركتى - بزم دوشونجه مزه كوره - نبى محترم افندمى اغضاب
ايتمك لازم كليركن بويله بر حال واقع اولمى رسول اكرم افندمى ايبك يوزينه باقوب
كولديلر ، آرزوسنك اسعافى فرمان بويورديلر .

دارالحكمة الاسلاميه اعضاسندن

فريد

توبه و رجوع

انسان ملك ميدركه او قدسيان واو «لا يعصون الله ما امرهم ويفعلون ما يؤمرون» شهادت
قاطعه سيله خير و اطاعتده واوامر الهيه يي انفاذده دائم بولند قلى ثابت جند معصوم الهى به
بوممتاز خصلتده مشاركت ايده بيلسين

شيطان مردود ميدركه هر عملى شر و فساد و ضلال و اضلال حتى شائبه صلاح محسوس
اولان اعمالنده دخی انواع قتن احضار ايله ين بوكروه مكروه كى بوانسان صرف طريق
ملعنتده بولنسنده خير و انقياد الندن كلاسین .

نه اوليه نه بويله بلکه انسان خزينه عجائب قدرت الهيه ظاهرى و باطنى واجب الشكران
نعمتله و واجب التقدير فضيلتله محل و وسائط معرفت و آلات فكريه ايله مجهز و «ولقد كرما
بنى آدم» نامه فضائل بخشای الهيه سيله مبجل برانمودج عرفان و فطرت و خلقتى هم خيرات
و حسناته همده شرور و سيئاته مستعد بو ايكي طرفك جنود و اعوانيله مدافعه كندى
اراده سنه مودوع بر معماى خلقتدر . اكتساب كالاتى و استحصال سعادتى كونا كون محن
و مزاحمه معروض و اونستده فضل و رجحان و اجر و احسانه نائل و مستحق و تهذيب
معنويات و تأمين معاليات ايلسى دخی شكل جدال و جهادده ايده بيله چكى حكمت ازليه
سجانيه اقتضاسى اوله جق كه چشيد چشيد عواملك تحت تأثيرنده بعضيسى صفت ربوبيته
بعضيسى صفت شيطانيته بعضيسى صفت بهيميته بعضيسى ده صفت سبعيته جالب انسان ايچين
اليم بك اليم حالاتى ارزو ايدر تاثيرات غريزه آئنده ميدان و غي به بر اقلمشدر . اشته
انسان بومعركه نك بر مجاهد اكبرى صفت ربوبيته نهايت بولانلر كبر فخر حب مدح حب
شنا عز غنا طلب علو صفتلريدركه بولنلر انسانى مغلوب قلوب (انا ربكم الاعلى) ده ديرمكه